

物名色衆生殊類普陳載焉爾時元始老君  
為帝解說所以帝依其解文句深恩俯察改  
致造作城臺宮闕房室衣冠教以榮華之色  
乃製舟車以通水陸陶坏鼎器物以給天下  
飲食之用又推天文禮樂故百工周奏以助  
其化皆猶靈寶三等經文之功又至上皇三  
年七月二十九日壬子天真真人下授黃帝  
六壬式圖六甲三元遁甲造式之法法威天  
下流傳子孫也故黃帝以道治世一百二十  
年於鼎湖山白日昇天上登太極宮號曰中  
黃真人

雲笈七籤卷之三

雲笈七籤卷之四

學品

道教經法傳授部

上清源統經目註序

上清者官名也明乎混沌之表煥乎大羅之  
天靈妙虛結神奇空生高浮澄淨以上清為  
名乃衆真之所處大聖之所經也官有丹青  
金書玉字上皇寶經皆玄古之道自然之章  
起於九天之王九玄道君推校本元已歷九  
萬億九千劫上皇典格各不相參道君以中  
皇元年九月一日於王天瓊房金闕上宮命  
東華青宮尋俯仰之格揀校古文撰定靈篇  
集為寶經傳至漢武帝時得經起栢梁臺以  
貯之帝既為神真所降自云得道放情息懈  
不從王母至言明年天火燒栢梁臺經飛還  
太空於茲絕跡太元真人茅君諱盈師西城  
王君受上清玉珮金璫二景璿璣之道以漢  
宣帝地節四年三月昇天又玄洲上卿蘇君  
諱林師消子受上清三一之法以漢神爵二  
年三月六日登天又周君李君衆仙各有所

得並相承經業多不傳世漢孝平皇帝元始  
二年九月戊午西城真人以上清經三十一  
卷於陽洛之山授清虛真人小有天王王褒  
褒以晉成帝之時於汲郡修武縣授紫虛元  
君南嶽夫人魏華存華存以咸和九年歲在  
甲午乘鸞輪而昇天去世之日以經付其子  
道脫又傳楊先生諱羲羲生有殊分通靈接  
真乃晉簡文皇帝之師也楊君師事南嶽魏  
夫人受上清大洞真經三十一卷至晉孝武  
皇帝太元十一年歲在丙戌昇仙許先生者  
名映丹陽句容人也七世祖許子阿生有陰  
德福潤流灑鍾於後嗣子阿六世孫名副任  
為剡縣令副有八子其第一子名邁字叔玄  
小名映改名遠遊少好仙道就心冥肆吐納  
和氣橋志雲漢超跡絕世以晉建興元年歲  
在癸酉渡江入赤城山中往而不返師南海  
太守鮑親太元真人茅君遠遊第五弟名謐  
任為護軍長史散騎常侍師太元真人受上  
清衆經於寧康元年隱景去世謐有三子其  
第三子名玉斧長名廟字道翔道德諱瑩絕

世無倫師楊先生授上清三天正法曲素鳳文三十一卷遞跡潛化玉斧子黃氏貨民子名豫之以元嘉十二年終刻之白山臨去世之時以上清寶經三洞妙文封以玄臺印以白銀留寄鄭縣馬度生家語之曰今且暫行不久當還勿開此經馬氏崇奉累世安康有道士妻化者常憇馬氏舍究悉經源苦求開看馬氏固執竟不從命結跏無方是時宋明皇帝崇敬大法招集道士供養後堂妻化乃因後堂道士及李真密啓之帝即命使逼取至京乃拜禮閣之忽有五色紫光洞煥眼前帝驚曰神真巨觸比其年不愈而崩元徽元年馬氏即出訴啓請其經詔勅聽還於是天藏真書復歸馬氏茲乃上真注筆朱簡紫書後之凡庶摸而傳奉號曰真跡今記神王所撰寶經卷三十一首篇章目第並指事為名然天真之管理與難尋或名同而事異或理合而字非靈秘妙隱不與世合幸而見之卒難詳辨余宿植緣會遊涉法源性好幽旨就靈味玄鑢研彌齡始覺髮髯謹以鄙思尋校

東經為上清目義非敢有裨大業聊自記而已

### 靈寶經目序

元嘉十四年某月日三洞弟子陸儵靜敬示諸道流相與同法弘修文業讚揚妙化與世隆福每欣一切遭遇慈澤離彼惡道入此善場道遠長樂何慶如之但至願究奧妙義微遠靈匠未過群滯莫披翹翹渴仰者豈予小子乎既太虛眇邈玄師難希宜求之於心即理而斷也敢竭聞淺先言所懷夫靈寶之文始於龍漢龍漢之前莫之追記延康長劫混沌無期道之隱淪寶經不彰亦明草運靈文興焉諸天宗奉各有科典一劫之周又復改運遂積五劫追于開皇已後上皇元年元始下教大法流行衆聖演暢修集雜要以備十都三十六帙引導後學救度天人士皇之後六天運行衆聖幽身經遠大羅自茲以來迴絕元法雖高辛招雲輿之枝大禹獲鐘山之書老君降真於天師仙公授文於天台斯皆由勲感太上指成聖業豈非揚芳於世普宣

一切也按經言承唐之後四十六丁亥其間先後庚子之年妖子續黨於馬口亂群填尸於越川強臣稱霸弱主西播龍精之後續梓之君罷除偽主退蕭逆民衆道勢訖此經當行推數考實莫不信然期運既至大法方隆但經始興未盡顯行十部舊自出者三分雖玄蘊未傾然法輪已遍於八方自非時文運會孰能若斯之盛哉頃者以來經文紛互似非相亂或是舊目所載或自篇章所見新舊五十五卷學士宗竟鮮有甄別余先未悉亦是求者一人既加尋覽爾惜參差或刪破上清或採持餘經或造立序說或迴換篇目裨益句章作其符圖或以充舊典或別置盟戒文字解左音韻不屬辭趣煩猥義味淺鄙顛倒舛錯事無次序考其精偽當由為猖狂之徒質非挺玄本無尋真之志而因修窺閱假服道名貪冒受取不顧殃考與造多端招人宗崇敢以魚目廁於隋侯之肆輒將散磔託於和氏之門街詭愚蒙誣調太玄既晚學推信弗加澄研遂令精穢雜真偽混行視聽

者疑感修味者悶煩上則損辱於靈圖下則  
恥累於學者進退如此無一可宜徒傾產疲  
力將以何施夫輕慢之咎既深毀謗之罪靡  
赦余少就玄味志愛經書積累錫鉢其萬  
一若信有可崇何苟明言坐取風刀乎慮有  
未悉今條舊目已出并仙公所授事注解意  
疑者略云爾

上清經述

述曰尋經之意乃太虛齊量劫劫出化非可  
籌算自開皇之後距天漢時范陽桑平王夏  
字子登以正月一日辭二親欲尋神仙求不  
死之道乃入華陰山精思一十八年遂感上  
聖太極真人西梁子下降授齧飯方并服雲  
牙法復五年太極真人王總真復降以上清  
經三十一卷付子登并將子登遊五嶽觀名  
山備受上法還乎晉武皇帝時任城魏華存  
字寶安乃魏陽元之女也陽元任至榮陽宜  
陽二郡太守散騎常侍冀州刺史其父乃嫁  
寶安於南陽劉又字切彥又妻時除為修武  
縣令寶安隨焉寶安自少為女處乎內室性

好至道雖未得仙而真人屢降及其長也女  
子有夫之義修尚之事有時而廢及至兒女  
成立告誠子曰我願終尋真之志於是離群  
獨處不交人事深託隱躬還修曩尚入室百  
日所期仙靈積思希感爾乃獨節應神丹心  
潛會精苦仰徹天真退降於是季冬之月夜  
半清朗忽聞空中有鍾鼓之響船簫之聲音  
韻嘈啗出戶望之見從東方虛空而來旌旗  
鬱勃羽蓋紛紜光輝幽燦燦太虛他人莫  
之見也須臾有虎輦玉輿隱輪之車並頓駕  
來降夫人之靜室凡四真人五年可二十餘  
容貌偉朗天資秀穎同著紫花連冠飛錦衣  
裳瓊華寶帶體佩虎文項有圓光手把華楯  
其一人自稱曰我太極真人安度明也其一  
人曰我東華大神方諸青童君也其一人曰  
我樽桑碧海陽谷神王景林真人也其一人  
曰我清虛真人小有仙人王子登也於是夫  
人匍匐拜叩頭自搏不期今日道君降下  
唯乞神仙長生度世四人乃坐良久王子登  
告夫人曰聞子曩日念善展轉求生密練真

氣魂和體清丹懷遠遠錄字上清高契真人  
抱信期靈幽感啓微潛曜亦城遂金書紫極  
戴簡玉庭故感高晨玄唱齊并是以大帝君  
初我今來教授於子神真之道焉其東華青  
童君曰此清虛真人者爾之師也當受業焉  
其安度明曰子因緣上業積感求道苦心久  
矣用思至也道今來矣子得之焉其景林真  
人曰子勤感累世積念真靈將積應之所期  
乃明挺之標會也虛皇早鑒爾之用思太極  
已注子名於玉札錄字紫虛之宮金書東華  
之閣刻名上清丹文錦籍應為紫虛元君上  
真司命又加名山之號封南嶽夫人今視子  
之質實霄景高煥圓精重照鳳骨龍姿腦色  
寶曜五藏紫絡心有羽文形棲晨霞神友靈  
肆天人之任良不虛矣帝誨王衷相為盟師  
故遺太極真人鑒子之精子其助哉四真人  
有辭致言畢夫人叩頭而言曰華存早  
賤枯骨之餘自處塵垢久染濁穢天地寥邈  
高下懸隔縱恣五濁翻錯具穢滯塞靈祇沈  
淪凡俗無冀日月迴曜幽穴不謂天尊下交

凡肆所以割心斷意取同蝶翅自顧少好神仙食樂長生心之所詣出於自然志之所期誓以三光而值季世俱忘禮度制置無從脫免良願不遂今形非顧影體氣臭惡久為垢穢所逼者徒勵節無益自入劉門修道日廢須者少閑內外乘隔容得齋思謹按道法奇求經方入室之制為欲靜護五藏辟諸疾病耳豈圖上願惟在今日夕道君並降慶出

分外光照幽谷荷戴天眷不勝惶懼此是婢子有幸當得度世唯乞哀矜賜以性命自陳畢東華小童指招而告之曰子少好道真至誠密感是故因緣世生胎鍊五神寄慧齊見超度八難氣適靈輝挺會真算自當為紫虛之宮上真司命勤精彌綸太極所矜又加名嶽之封位均諸侯然不受聞上道內法晨景玉經者仙道眾妙無緣得成也子其勉哉我後日當更期會於陽洛山中汝勤之矣於是清虛真人王君乃命侍女華散條李明允等使披雲臨開玉笈出太上寶文八素隱書大洞真經靈書紫文八道紫度炎光石精玉馬

神真虎文高仙羽玄等經三十一卷是王君昔於陽洛山遇南極真人西城王君所授者也今於汲郡修武縣中授夫人焉賜谷神王又別授夫人黃庭內景經正一真人張君又別授治精制鬼法夫人前後所授非但此三十一卷而已其篇卷悉在傳中不能一一書之此乃上清經從此而行世也

### 三皇經說

三皇經云昔天皇治時以天經一卷授之天皇用而治天下二萬八千歲地皇代之上天又以經一卷授之地皇用而治天下二萬八千歲人皇代之上天又以經一卷授之人皇用而治天下亦二萬八千歲三皇所授經合三卷爾時號為三墳是也亦名三皇經三皇後又有八帝治各八千歲上天又各以經一卷授之時號為八索是也此乃三墳八索根本經也如法而言三寶俱起無量之世但以隱顯有時自三皇八帝之後其文亦隱至于晉武帝時有晉陵鮑觀官至南海太守少好仙道以晉元康二年二月二日登嵩高山

入石室清齋忽見古三皇文皆刻石為字爾時未有師親乃依法以四百尺緇為信自盟而受後傳葛稚川枝平相傳至于今日三寶行世自然之數心與理契因緣冥符使之然也術曰夫眾生昏惑長迷生死神明蔽障不能悟理聖人興大慈大悲愛若赤子隨時化生隨宜救拔欲令離苦得無為之樂但聖道淵邃難可頓悟必須階漸以發其蒙未顯大法先教厨食章書雜法黃赤之道雜化淺近以應遇情信伏能修雜法名為奉道既能奉道則能捨離魔俗之法漸漸調伏而後教以靈寶既信靈寶便求為道士既為道士便宜受持一百八十大戒二百四十威儀修行六通能遣六塵四十五念十二上願十二可從一切法行皆能受持研心宗極洞體道真洞然玄悟以得神仙從此而修終會無為當知章厨雜化為漸導之義雖名奉道未識正理惟體識君子宜裁之焉

### 道教相承次第錄

謹按雲臺治中內錄言太上老君傳授雲臺

正治官圖治山靈鼎等得四十一代相承具人名代數如後

第一代老君老君火山大丹治法傳授三百人唯三人系代王方平尹喜徐甲

第二代王君王君授三十人唯三人系代茅

孫孫盈章蒙

第三代章震震授十七人唯二人系代若士李夫人名仙

第四代若士士授五十二人唯三人系代李元君白石先生李常存

第五代李元君元君授七十二人唯二人系代王子喬許述成

第六代諸仙別傳分散世絕系治官氣並治名老君念於志學之子再下平蓋山授張陵為雲臺治火芝火仙之經方術變化長生不死之藥登昇雲天之道勅陵為第六代道之外孫而東海小童君為陵保舉師太上老君為度師度雲臺治封陵為天師天師授三百人唯三人系代行治張申王昇李忠

第七代張申中授三十三人唯三人系代行

傳治法李仲春李意期李玄

第八代李仲春仲春授十五人唯二人系代李少君魏伯陽

第九代李少君少君授九十人唯二人系代樂巴李常存

第十代樂巴巴授五人唯二人系代陸長生李宙先

第十一代陸長生長生授八人唯二人系代張景霄王萬縉

第十二代張景霄景霄授五人唯一人系代劉馮

第十三代劉馮馮授五人唯一人系代劉政

第十四代劉政政授五人唯二人系代孫博嚴光

第十五代孫博博授三人無可代者乃入林屋山中合龍虎大月兩昇天治法遂絕

太上老君命李仲甫出神仙之都以法授江南左慈字元放故令繼十六代為師相付元放授八十八人唯三人系代介象嚴光李李

第十七代介象介象授四十人唯五人系代李廷張授萬萬卿阮玉李用

第十八代李廷介談延談授十八人唯一人系代劉景

第十九代劉景景授四人唯一人系代東海郭延

第二十代東海郭延延授三十人唯一人系代靈壽光

第二十一代靈壽光壽光本外國人授十八人唯一人系代何述

第二十二代何述述授十人唯一人系代羅先期

第二十三代羅先期先期授二十人唯二人系代甘季仁甘孝先

第二十四代甘孝先孝先授五十一人唯一人系代石帆公

第二十五代石帆公帆公授十九人唯一人系代官戶一云官中用字也

第二十六代官戶戶授八十八人無可傳者治法遂絕戶入南嶽及天台山經八十五年

世絕仙人正道不繼

老君念其功修之徒拜降廬山勅左元放授  
施存葛玄今繼代為仙官世祖師傳仁人者  
也

第二十七代施存存授七十人但皆地仙耳

唯同學葛玄繼代

第二十八代葛玄授十九人唯三人系代

張秦仇真李用別出

第二十九代尹思太上老君差紫衣使者下

命於廬山授五人更二人尹思尹執系代

傳治思授七十人唯二人系代女子樊忠

和章義山

第三十代尹執執授十九人唯一人系代女

仙李元一

第三十一代女仙樊忠和忠和授二人唯一

人系代劉綱東陵母

第三十二代女仙李元一元一授四十人無

人可傳治法代絕

第三十三代劉綱綱樊夫人弟子雖居官治

又其夫也治法後絕

第三十四代張秦秦為玄弟子玄見其代絕

乃拜令秦授十一人唯一人系代王列

第三十五代王列列授九人唯二人系代許

遜胡少真

第三十六代許遜遜授一百人而無人可授

系代又絕遜昇天後兩代人氏征伐真志

不傳

老君勅使三人於天台山令葛玄傳鄭思遠

系三十七代思遠授十九人唯二人系代葛

洪李淳風

第三十八代李淳風淳風授四十人唯四人

系代而未傳授二人者李道與李靖後又

隱於房公之山一百年後出授張常存李

太虛李惠舉同太師神等四人

第三十九代李惠舉張常存而各分代傳授

皆稱三十九代孫惠舉授三十人唯三人可

代李保真白女中李太昌張常存授三十

七人唯三人願系代孫張真應真孫道用

第四十代李保真保真授二十四治一百人

唯二人系代林通元李德仁

第四十一代林通元

玄都九真盟科九品傳經錄

玄都上品第一篇曰大洞真經唯一寶經太  
上素靈大有妙經三奇之章高上玉皇寶篇  
秘在九天之上大有之宮太玄靈臺玉房之

中上皇之初舊科經萬劫一傳三道正明學

真日與高上科七千年內聽得三傳侍衛玉

童玉女各七千人執香典晃按科傳授之法

皆對告齋百日分金鈕為盟給玉童玉女依

四極盟科不依科而傳罪延七祖幽魂充役

吞火食鐵負山運石以填無極之考抱風刀

之罰身段形殘長閉地獄萬不得仙

玄都上品第二篇曰傳大洞真經三十九章

於後者誓以上金十兩銅二十五斤鈕五雙

金魚玉龍各一枚青絲一兩纏鈕若雌一以

上金五兩五色錦繡各五十尺香一斤金鈕

三雙太上素靈洞真玄經上金三兩紫紋百

尺青繒二十七尺赤絲五兩香一斤丹一兩

上皇以信誓心不得有闕則虧科師犯則

奪侍經玉童玉女還於本宮不過三年身被

風刀考罰自然失經受者不依盟科皆失明  
形殘七祖父母被受鄴都之責萬劫還生非  
人之道學者慎之

玄都上品第三篇曰凡有金名東華王字上  
清得授太霄琅書瓊文帝章紫度炎光神玄  
變經上清變化七十四方九真中經丹景道  
精隱地八術解形遊變流景玉經七變舞天  
經皆九天真王元始天王太上天帝君中央  
黃老君受於太空中九玄之內虛無之高章  
也皆秘在太上靈都之宮紫房三元君主之  
侍衛玉童玉女皆三千人元始之初經七十  
劫一傳自三道立正之後七千年內聽三傳  
七百年中有其人亦聽傳傳皆對齋九十日  
或九日告盟而授之給玉童玉女依四極盟  
科若不依科而傳罪延七祖父母充責鬼官  
運蒙山之石填積夜之河萬劫還生非人之  
道已身被風刀之考自然失經終不得仙傳  
者慎之

五色錦各五十尺上金五兩沈香五斤真朱  
一斤書刀一口金札七枚絳紋七十尺之誓  
上清變化七十四方經青縉四十尺上金十  
兩金鈕六雙好香一斤金魚玉龍之誓九真  
中經舊科落髮為盟今以白縉九十尺准盟

法於九真之數青絲一斤絳紋二十四尺北  
暉之誓碧縉二十四尺月華之誓金鈕三雙  
元常童子團變之信丹景道精隱地八術解  
形遊變流景玉經悉上金十兩金魚玉龍各  
一枚青縉四十尺紫紋四十尺金鈕各三雙  
七變舞天經上金五兩真朱一斤青縉三十  
二尺之誓信以質心不得有關關則違科師  
以天信投於山棲以救窮之餘以供營經書  
之具不得他散師犯上科奪玉童玉女減筆  
奪紀注名度還比鄴受者不依科皆喪魂失  
神風刀之考不出三年自然失經終不得仙  
玄都上品第五篇曰消魔智慧玉清隱書寶  
洞飛霄絕玄金章紫鳳赤書八景晨圖金真  
玉先靈書紫文金瑤玉珮金根上經三天正  
法皆太上大道君元始天王金闕帝君之寶

章秘在玉清之宮金房紫戶之內典衛靈文  
玉童玉女各三千人元始之初千劫一傳自  
三天立正之後七百年內聽得三傳百年中  
有其人聽一傳給玉童玉女依四極盟科授  
者對齋九十日或九日而傳不依科而傳罪  
延七玄之祖長充鬼役無有解脫已身被風  
刀之考死充下鬼萬不得仙

玄都上品第六篇曰傳消魔智慧寶洞飛霄  
絕玄金章赤書八景晨圖皆上金十兩玉札  
一枚金魚玉龍各一枚紫縉四十尺金根經  
靈書紫文上金五兩金簡玉札各一枚長一  
尺六寸廣二寸四分金魚玉龍各一枚紫縉  
百尺青紋四十尺三天正法青縉三十尺青  
布四十三尺金錄五雙以為密誓上金十兩  
通神之信金真玉先玉珮金瑤玉清隱書皆  
金魚玉龍各一枚以為誓信依科不得有關  
關則師奪玉童玉女注名還度北鄴受不依  
科皆喪魂失神罰以風刀不出三年自然失  
經萬不得仙  
玄都上品第七篇曰七星移度白羽黑翮飛

行刑經飛步天綱躡行七元太上隱書靈飛六甲皆太上太帝君太極太微天帝君登空之道隱化之章祕在太上瓊宮之上紫房之內侍衛玉童玉女皆三千人依科七千年一傳三天立正之後改七百年內聽得三傳若百年中有其人便傳便授告齋九十日或三十日給玉童玉女依四極盟科不依科而傳罪延七玄之祖長充北酆鬼役十苦八難已身被風刀之考身沒幽源萬不得仙

玄都上品第八篇曰傳七星移度青紋三十

- 一尺絳縵七十尺鳳紋之羅九十尺金鈕一雙白羽黑翻飛行羽經上金二兩青紋三十二尺以代截髮軟血之誓飛步天綱錦三十二尺金魚王龍各一枚太上隱書金魚王龍之誓靈飛六甲白素六十尺金銀六雙青絲六

兩天科以信質心不得有闕闕則違科師奪玉童玉女除落青簿玉名移還北酆受者不依科亡精喪神罰以風刀不出三年自然失經終不得仙

玄都上品第九篇曰方諸文震靈符露落七

元八天隱文流金火鈴金神虎符消魔文幹夜照神燭八術隱遯紫清玉符五籍洞玄六甲上符五行祕文玄都格諸符凡有六百部太上悉以其文標於舊經之內以為立用傳授盟科悉依經科傳授有關罪同上品有經無符則天魔害人符無經則思念無感神真不降科云皆不得單行單行罪亦如之科經及符本同出於自然之氣虛無之章故不可得獨修也無科修道萬不成仙

雲笈七籤卷之四

正一天師清微弟子  
道教學術

雲笈七籤卷之五

學五

經教相承部

真系隴西李渤述

今道門以經錄授受所自來遠矣其昭彰尤著使伯紳先生不惑者自晉興寧乙丑歲衆真降授於楊君楊君授許君許君授子玄文玄文付經於馬朗景和乙巳歲勅取經入華林園明帝登極父季真啓還私廨簡寂陸君南下立崇虛館真經盡歸于館按黃素方因緣值經准法奉修亦同師授其陸君之教楊許之旨也陸授孫君孫君授陶君陶君搜撫許令之遺經略盡矣陶授王君王君又從宗道先生得諸勝訣云經法祕典大備於王矣王授潘君潘君授司馬君司馬君授李君李君至于楊君十三世矣楊許並越漢登真許令亦終獲度世馬父幸會而不業自陸君已降則帝者無不趨其風矣此皆史有明文或遺跡可訪又世世從事於斯者其支裔焉且知理而不知神非長生之士也超理入神混